

26/862

h
h
h

PLAC CART

D V R O Y

NOSTRE SIRE.

127

Touchant les correspondences avec les
Ennemis, & Rebelles.



A BRUXELLES,
Chez Hnbert Antoine, Imprimeur juré de la
Cour, à l'Aigle d'or pres du Palais. 1026.

PRIVILEGE.

SA Maiesté ce que dict est considere, inclinant fauorablement a la supplication & requeste de Hubert Anthoine dict Velpius Suppliant, luy à octroyé, permis, & accordé, octroye, permet, & accorde de grace espediale par ces presentes qu'il puist & pourra seul a l'exclusion de tous autres Imprimer, toutes Ordonnances, Edicts, Statutz & Placcartz, qu'au nom de sadiete Majesté seront edictez, statuez, & publiez, en la forme, & selon le stil & langage qu'on les depeschera, & iceulx vendre & distribuer, ou faire vendre & distribuer en, & par toutes les Prouinces & pays de pardeça de l'obeyssance de sadiete Majesté, en se reglant, suyuant les Ordonnances dressees ou a dresser sur le fau de l'Imprimerie. Defendant & interdisant sadiete Majesté bien expressement par cestee a tous Imprimeurs, Libraires, & aultres qu'elz qu'ilz soient, de n'imprimer ou contrefaire lesdictes Ordonnances, statutz, edictz, & placcartz, ni ailleurs imprimez ou contrefaictz, apporter, vendre ou distribuer es pays de pardeça sans l'adueu & consentement dudit Suppliant, soit en vertu de quelque Priuilege ou consentement particulier qu'ilz ont ou pourront auoir des Gouverneurs, Consaulx, Prouinciaulx, Magistratz, ou d'aultres qu'elz qu'ilz soient, a paine de confiscation & perte des exemplaires, & pardeffus ce de trois florins carolus d'amen le pour chacun exemplaire qui sera esté imprimé ou vendu, applicable la moitié au prouffit de sadiete Majesté, & l'autre moitié audit Suppliant. Si ordonne sadiete Majesté aux Chef, Presidens & gens de ses Priués, & grand Conseilz, Presidens & gens de ses Consaulx prouinciaulx de Luxembourg, Flandres, Artois, & Namur, grand Bailli de Haynnau, gens de son Conseil a Mons, Gouverneur de Lille, Douay & Orchies, Bailly de Tournay & Tournefiz. Preuost le Comte a Valenciennes, Escoutette de Malines, & a tous aultres les Iusticiers, Officiers, & subiectz qu'il appartiendra, Ensemble a tous Imprimeurs & libraires residens soubz son obeyssance de selon ce eulx rigler & conduire sans aucune difficulté, car son plaisir est tel. Faict a Bruxelles soubz le Cachet secret de sadiete Majesté, cy mis, le nouf-ielme iour du mois d'Aoust, mil six cent Vingt & cinq. Ma. Vr.

E. DE BERTI.

Et au Conseil de Brabant, signé de VVitte.





PHILIPPE par la grace de Dieu, Roy de Castille, de Leon, d'Arragon, des deux Sicilles, de Hierusalem, de Portugal, de Nauarre, de Grenade, de Toledé, de Valence, de Galice, des Maillorcques, de Seuille, de Sardaigne, de Cordube, de Corsicque, de Murcie, de Iaen, des Algarbes, d'Algezire, de Gibraltar, des Isles de Canarie, des Indes, tant Orientales que Occidentales, des Isles & terre ferme de la mer Oceane, Archiducq d'Austrice, Duc de Bourgoigne, de Lothier, de Brabant, de Lembourg, de Luxembourg, de Gueldres & de Milan, Comte de Habsbourg, de Flandres, d'Artois, de Bourgoigne Palatin, de Thirol, de Haynnau, de Hollande, de Zelande, de Namur & de Zutphen, Prince de Zvvaue, Marquis du Sainct Empire de Rome, Seigneur de Frize, de Salins, de Malines, des Cité, Villes & pays d'Vtrecht, d'Ouerryssel & de Groeninge, & Dominateur en Asie & en

Affrique. A tous ceulx qui ces presētes ver-
ront salut, Comme nous sommes informez
que non obstant nostre Placcart du 29. de
Juillet dernier interdictif du commerce
avec les inhabitants des prouinces a nous
rebelles, & ennemies, plusieurs de noz sub-
jetz, ne cessent de leur escrire, & de recep-
voir lettres d'eulx, les vns se seruans des
Messagiers allans es pays voisins a nous al-
liez, & amiz, les autres de personnes qui
viuent es lieux ou se payent contributions,
moiennant quoy ledict commerce par
nous si estroittement defendu, se va entre-
tenant à nostre grand desseruice, & interest
de noz bons subiects, sans que l'on en aye
fait punition, sous ombre que ladicte cor-
respondence par lettres, n'auroit par nostre-
dict Placcart esté assez expressement de-
fendue. SCAVOIR FAISONS que
nous desirans, a ce pourueoir, & a plus
grands maulx qui en pouroient prouenir,
auons a la deliberation de nostre treschiere,
& tresamée bonne Tante Madame Isabel
Glara-

Clara Eugenia, par la grace de Dieu Infante
d'Espagne &c. a tous nosdicts subiects &
habitans des pays de nostre obeyssance, deffē-
du, & interdit, deffendōs, & interdisōs que
directemēt ou indirectemēt, ni en quelque
maniere que se puisse estre, ilz n'escriuent
plus aucunes lettres a aucun des inhabitants
de nosd. prouinces rebelles, & ennemies,
ou en reçoient d'eulx, pour quelque subiet
que ce soit, a peine de confiscation de la
sixiesme part de tous les biens, meubles, &
immeubles, actions, & creditz de celuy
qui sera trouué a ce contreuenant, ou de
correction plus grande selon l'exigence du
cas, à l'arbitrage du iuge qui en cognoistra.
Estant nostre intention qu'es lieux esquels
pour cas semblables, l'on n'use de confisca-
tion, obstant les Priuileges ou coustumes a
ce contraires, ceulx qui serōt trouuez coul-
pables en ce que cy dessus est dit, seront
condamnez en amende pecuniaire, qui ne
pourra estre moindre que de cinq cent re-
aux d'or, de six florins deux solds piece, &

que ceulx qui n'auront moien d'y fatisfaire,
ou dōt la sixiesme partie de leurs biēs n'ar-
riueroit a ladicte somme de cinq cens re-
aulx d'or, seront condamnez aux galeres,
ou banniz desdicts pays de nostre obeyſ-
ſance, auſſi a l'arbitrage du iuge. Voulās en
oultre que de meſmes peines de banniſſe-
ment ou de galeres ſoient puniz ceulx qui
porteront leſd. lettres, & que ceulx les ayās
reçeu, ne ſerōt tenuz pour excuſez, en diſāt
auoir ignoré qu'elles venoiēt desdictes pro-
uinces rebelles, & ennemis, ne ſoit qu'ende-
dens vint quatre heures apres ladicte recep-
tion, ilz les ayent porté a l'Officier du lieu,
& de ce prins acte a leur deſcharge. Biē en-
tendu que ceulx qui tiennent leur residen-
ce es lieux ou par nostre tollerāce l'on paye
contribution a noſdictes Rebelles, pourōt,
ſans meſprendre eſcrire, & receuoir lettres
pour le faiēt desdictes contributiōs ou pour
leurs affaires particulieres tant ſeulement.
Et pour nieux deſcouvrir leſdictes contra-
uentions, qui ce font ordinairement a la
cachette,

cachette, Nous accordons au delateur la
moitie desdictes confiscations, & amendes
respectiuement demeurant, l'autre moitie
a nostre prouffit, & de l'Officier qui fera
l'exploit, a repartir egaleement, Si mandons
& commandons a noz treschiers & feaulx
les Chancelier, & gens de nostre Conseil de
Brabant, Gouverneur President & gens de
nostre Conseil prouincial de Luxembourg,
Gouverneur, Chancelier & gens de nostre
Conseil de Gueldres, President, & gens de
nostre Conseil de Flandres, Gouverneur,
President, & gens de nostre Conseil Prouin-
cial d'Artois, Grand Bailly de Haynnau, &
gens de nostre Conseil ordinaire a Mons,
Gouverneur, President, & gens de nostre
Conseil a Namur, Gouverneur de Lille,
Douay, & Orchies, nostre Preuost le Comte
a Valenciennes, Bailly de Tournay, & du
Tournez, Escoutette de Malines, & a tous
autres noz Iusticiers, & Officiers, ausquels
ce regardera, que ceste nostre presente Or-
donnance, ilz publient, & facent publier,
riere

rière leurs iurisdicions respectiuellement la,
& ainsi qu'il appartiendra, & besoing sera,
& au surplus la gardent, & obseruent, fa-
cent garder, & obseruer inuiolablement, en
procedant contre les transgresseurs, & des-
obeyssans par l'execution des peines, &
amendes y apposees sans port, faueur ou
dissimulation, Car ainsi nous plaist il, En
tesmoing de ce nous auons fait mettre no-
stre seal a ces presentes. Donné en nostre
ville de Bruxelles le vnzième iour de May,
l'An de grace, mil six cens vingt & six, & de
nos Regnes le sixième, paraphé Ma. V^e. sur
le reply estoit escript *Par le Roy en son Con-
seil*, signé *Verreyken*, & estoit ledict Plac-
cart sealé du grand seal de sa Ma^{te}. en cire
vermeille, pendant sur double queue de
parchemin.